

Wacana ATMA

Bicara Tokoh Sanggar Tun Seri Lanang akan diadakan di Sanggar Tun Seri Lanang, Dewan Bahasa dan Pustaka (DBP), Kuala Lumpur, pada 27 Februari, jam 8.30 pagi.

Program yang membicarakan tokoh penyair, Ahmad Razali Yusof itu, menampilkan Pensyarah Universiti Putra Malaysia (UPM), Prof Madya Dr Arbak Othman; Pegawai Perancang Bahasa DBP, Mohamad Shahidan dan Pensyarah Universiti Pendidikan Sultan Idris (UPSI), Ariff Mohamad.

Dr Arbak membicarakan kumpulan puisi *Di Negara Bayang*; Mohamad (*Angin Semilu*) dan Arif Mohamad (*Berang*) pada acara yang dipengerusikan Timbalan Presiden, Persatuan Penulis Nasional Malaysia (PENA), Amiruddin Md Ali Hanafiah dan Ahli Jawatankuasanya, Dr Mohd Hanafi Ibrahim.

Maklumat lanjut, hubungi Syed Mohd Zakir Syed Othman di talian 017-3427991, Saifulizan Yahya (016-3018645) atau PENA (03-21425824).